

Hanne-Sofie Suongir

# Buorre idja, Sunnáš



Nina Marie Andersen

**Hanne-Sofie Suongir**

# **Buorre idja, Sunnáš**




**Govat: Nina Marie Andersen**



Idut 2022



Son háliida girdit  
duohkut deike,  
diehko ja dohko,  
dáppe ja doppe,  
vuollin ja badjin,  
glásain ja čiegain,  
davás ja máttás.





Muhto áhčči dadjá:

«Nohkkanáigi.»

Eadni dadjá:

«Sengii dál.»

Áddjá šlavgá oaivvi.

Áhkku gal dušše reašká.

Sunná ii gula.

Girdá nu johtilit.





Sunná šuviha olggos huvlobeasis,  
girdá huvlorássái.  
Dasa liiko buoremusat.  
Son juhká njálgga mieda  
maid rásis njammá.





Lea ođđa báiki,  
eará rásit ja eará divrrit.

«Sáhtátgo veahkehit mu  
vai dádjadan ruoktot?»  
jearrá Sunná čurrohis.  
Deaivá leat čuročivga,  
ii dat máhte veahkehit.





Sunná álgá hurrat  
nugo huvllut dahket.

Hurrá issoras jitnosit,  
**HUUUUUUUUURRRRR!**

Ja de vel jitnoseappot,  
**MMMMBBRRRRRR!**

Čuročivga ja dielkogobbá  
maid hurraba veahkin.

